



UNIVERSITÄTS-  
BIBLIOTHEK  
PADERBORN

# Universitätsbibliothek Paderborn

## Annales Mariani Societatis Iesv

Nádasi, János

Romæ, 1658

Præfatio Ad Annales Marianos S.I.

**urn:nbn:de:hbz:466:1-42840**

P R Æ F A T I O

Et quid superbis, terra, & cinis? An non hæc cælestis imago hominis, è pulvere, id est; è re minima, assurrexit?

9 Et certè quod de Oratore futuro dicit Quintilianus, idem sibi prudens cultor Deiparæ, commutatis pauculis, applicabit: *Parua docemus, instituendum Oratorem* (Deiparæ cultorem) *professi: sed est sua etiam studijs* (Marianæ pietatis) *infantia: ut corporum mox etiam fortissimorum educatio à lacte, cunisque initium ducit. &c.* Iam ante in proœmio dixerat: *Ad minora illa, sed quæ si negligas non sit maioribus locus, demittere me non recusabo.*

*Instit. l. I. c. I.*

10 Multifariam ostendit Deus, & Dei Mater, hæc etiam sibi esse in pretio: velleque se in obsequijs habere non solum gigantes illos herôes; verum & me, aliosque minorum gentium paruulos, ac velut mediastinos. *Mos enim diuinæ misericordiæ est, inquit S. Ioan. Chrysoft. ut si nos tenuia quædam, & vilia obtulerimus, sed tamen obtulerimus; multa liberalitate nos remuneret.* Nolo ergo ego illa nihili ducere, quæ tanti æstimat Deus. Sicut qui timet Deum, ita qui verè amat Matrem Dei, nihil negligit, licèt id minimum videatur. ideoque minima videri ista non debent, si fiant honori & amori illius cui fecit magna qui potens est. Illius Annales domesticos hîc exequimur. Nam quemadmodum apud S. Greg. Nazianzenum, *Tempus Magistri vice hominibus esse omnes distitant; ita hæc veluti tempora Mariana, seu annales Mariani poterunt nobis esse instar Magistri, per domestica documenta, & verbo & exemplo docentis quomodo enixè colenda sit illa quæ Regis seculorum immortalis est Mater.* Si maiora quæpiam, & ardua illam colendi exempla occurrant, ut dixi; nec ibi despondendus est animus,

*h. 26. in Gen. longè post med*

*Eccl. 7. 19*

*ad Nicob. p. 799.*

ve-

ad Nico-  
bulum p.  
799.

verum illud laudati Gregorij Naz. cogitandum :  
Prudentis , & cordati viri est , magna mensura vitam  
suam metiri : atque ad excellentium virorum imitationem  
sese componere .

11 Aspergo autem probatis , & ex ipso quem  
laudo fonte haustis de Virgine Matre sententijs ea  
quæ narro ; vt varietas piè delectet .

Documenta ex ijs quos ad manum habui libris  
petita vel eò anno colloco quo libri illi sunt editi,  
vel eo quo eorum Autores decesserunt è vita .

12 Exempla etiam illi Anno addicuntur quo an-  
no sunt gesta, vel quo diem vltimum obiit is de quo  
illa narramus; Indice postea documentorum Elen-  
chum ita daturò , vt & scribentium documenta, &  
agentium exempla ferè omnia in certos Artium  
Deiparæ colendæ titulos, (quemadmodum in Inci-  
tamentis colendi B.V.fecimus ) digerantur .

N.B. Omissa quadam in annis prioribus, post annum  
1640. reperies à pag. 430. quò retuli omnia ea quæ aliàs  
in Incitamentis dixi .

S. Bonaventura Psalmo 125. v.4.

*Vernaculus Tuus sum ego :*

*minimus in familia tua .*

*Custodi me , Domina .*